

賞品類，曰教育用品類，曰醫藥用品類，曰機械電器類，及其他貨品類是也。普通陳列與特別陳列，各有其利，並行不悖。惟特別室陳列者，普通室亦應有之。庶幾易於觀察，便於比較。今則見於特別室者，普通室未必陳列，似覺美中不足。且普通室分類不嚴，每有一物而分見數類，似頗紛歧。再會中陳列品以江蘇為最多，而無江蘇之部。似事前對於分省分類陳列，未有定見，亦時間促致之也。

七、宣傳方法 此次展覽會中各出品人，盡量宣傳其出品。裝璜華麗，廣告新穎，引人入勝。機器廠家如大隆，華東，中國，新中，益中，厚生，華生等且實行表演其織布抽水印刷釘書等工作，增添觀眾興趣不少。中國水泥公司，永固漆廠，泰山磚瓦公司，開灤公司等將出品築成模型，表示其出品之如何應用，及築成品之式樣如何，深合參觀人之心理。江南造紙廠將造紙原料，造紙方法，紙之價格，以及歷年洋紙進口價值，製成統計圖表，一併供人瀏覽。能應用科學方法作恰合展覽會本旨之宣傳，深稱得體。瑞綸絲廠在會中置備機器，表演繅絲，並旁置新式分級板，不特可增進參觀者之常識，且表示丁此絲業對外貿易衰疲之際，應如何改良品質而謀振興之途徑。華茶公司能別出心裁佈置陳列室，引取觀眾注意。此外緣成公司將紡絲方法，及公司現在並過去概況，或用圖畫，或用刊物，公之於衆，能使觀者滿意。此外出品人祇將出品陳列並無何項說明，觀者徒見五花八門之物品，腦筋中難留些少影像者，亦頗不少。此項商場式之陳列，夫豈展覽會之本旨哉，至會中規定各省各市各縣並各業之宣傳日，講明該省該市該縣之特產，並該業概況，附贈刊物，喚起聽者注意，法至善也。

八、最引人注意之物品 此次展覽會中之物品，各盡其妙。際此軍事甫告結束之秋，而有若是成績，洵屬難能可貴。其中最引人注意者，首推福建之漆器，湖南之湘繡，江西之磁器，北平之景泰藍，浙江青田縣之石刻，觀者佇足，徘徊不忍去，其負盛名，非偶然也。次為與發展工業有關之機器。吾國機器工業幼稚，無容為諱。惟年來經國人艱苦奮